

dum peccata, etiam reseruata. Ita docent Ca-
 jeranus in Summa ver. Confessio, conditio-
 ne. 10. & Magister Soto in. 4. dist. 18. q. 2. art.
 5. & Ledesma 2. p. 4. q. 8. art. 2. ex sancto Tho-
 ma, & alij communiter, vt dicit noster Ema-
 nuel, 1. Tom. qq. Regu. q. 21. art. 5. Nam peni-
 tens de iure Diuino tenetur, quando fieri
 potest, Confessionē integram facere. Nec ob-
 stat, quod postea tenetur iterum confiteri re-
 seruata habenti auctoritatem ad eorum re-
 missionem. Hoc enim per accidens est. Per
 se autem est, quod tenetur confiteri peccata
 Confessario habenti auctoritatem ad eorum
 remissionem, & vt supponitur, dicta reserua-
 ta Confessario non habenti talē facultatem
 sunt propalata. Vnde quando penitens Reli-
 giosus solum reseruata Confessario inferio-
 ri reuelauerit, absolutio nulla erit ex defectu
 jurisdictionis, prout tenent Ledesma vbi su-
 pra, dub. 3. prop. 3. & Nauarrus. cap. 16. nu. 14.
 Aduertendum tamen, quod penitens abso-
 lutus à Confessario inferiori directe à morta-
 libus, & indirecte à reseruatis, recipit vnum
 verū Sacramentū. Et quando postea Superior
 aut alius eius habens potestatem, absoluit di-
 recte à reseruatis, est aliud distinctum Sacra-